



OROZKOKO UDALA

ZERGEN KUDEAKETA, ZERGA BILKETA ETA IKUSKARITZAREN ORDENANTZA OROKORRA

*(2012/01/27ko 19 zb. B.B.O.ean argitaratua eta
2017/12/20ko 241 zb. B.B.O.ean argitaratua)*

I. XEDAPEN OROKORRAK.

1. artikulua.

Udal honek Zerga Kudeaketa, Bilketa eta Ikuskaritzaren egintzak Ordenantza Orokor honetara egokituko ditu.

2. artikulua.

Ordenantza hau Orozkoko udalerrian aplikatuko da indarrean sartzen denetik indagabetzerarte edo aldatzerarte.

Udalaren eremutik at burutu beharrekoak diren ikuskaritzari edo exekuziozko zerga bilketari dagozkion jarduketak, udalaren zuzenbide publikoko diru sarrerei buruzkoak direnak, Udal honek burutu ahal izango ditu Bizkaiko Lurralde Historikoaren lurralde eremuaren barnean badira. Bestelako supostuetan, ezarrita dauden edo ezarri ahalko diren lankidetzaren formulen arabera burutuko dira.

3. artikulua.

Udal Administrazioak gauzatu behar dituzten zergen kudeaketa, zerga bilketa eta ikuskaritza. Betiere, bere eskumenak Foru Aldundiari edo Autonomia Erkidegoko Administrazioari eskuordetu ahal izango dizkio eta, oro har, herri administrazioekin lankidetzan jardun ahal izango du.

Era berean, Udal Administrazioak udalerriko kide diren erakunde elkarteek ematen dituzten zerbitzuak erabiltzea erabaki ahal izango du.

4. artikulua.

Zergen kudeaketa, bilketa, zehapen eta ikuskaritza, zein bestelako zuzenbide publikoko sarrerak Zerga Foru Arau Orokorraren arabera arautuko dira. Dena dela, Tokiko Ogasunari buruzko Foru Arauak, Zerga bakoitzari dagozkion Ordenantzek eta Udal Ordenantza honek ezarritako berezitasunak haintzat hartu beharko dira.

Arau horretan jasota ez dagoenari dagokionean, ordezkotza erakundeekin Zerga Foru Arau Orokorra garatzen dituzten bestelako arauak izango dira aplikagarri.



OROZKOKO UDALA

II. ZERGEN KUDEAKETA.

5. artikulua.

Zergen kudeaketa martxoaren 10eko Bizkaiko Lurralde Historikoaren Zergen Foru Orokorrean, hau da 2/2005 Foru Arauan; abenduaren 16ko Toki Ogasuneko 9/2005 Foru Arauan, eta ondorengo aldarazpenetan ezarritakoarekin bat etorritz gauzatuko da.

6. artikulua.

Tokiko zergak arautzen dituzten Zerga Ordenantzetako hobari bat baino gehiago ezartzea eskatzen den kasuan, hobariak ezin izango dira aldi berean ezarri eta eskatzailearentzat hobari onuragarriena ezarriko da.

III. ZERGA BILKETA .

7. artikulua.

Zerga kredituen eta Udalaren eskubide publikokoak diren gainerako zergen kudeaketa Udalak berak egingo du Bizkaiko Lurralde Historikoaren Zergen Foru Arau Orokorrean, hau da 2/2005 Foru Arauan; abenduaren 27ko 215/2005 Foru Dekretuak onetsitako Bizkaiko Lurralde Historikoaren Zerga Bilketaren gaineko Arautegian ezarritakoarekin bat etorritz. Aipatutako arauok ez dira ezarriko geroratzea eta zatikatzea onartzerako orduan, ezta Ordenantza honetan beren beregi araututakoan.

8. artikulua. Gerorapena eta zatikapena:

A) Aurkezpen lekua: Geroratze eta zatikatze eskaerak Zerga Bilketa Sailera zuzenduko dira.

B) Eskabidearen edukia: Eskaerak ezinbestean izan beharko du:

- a) Izen-abizenak, izen soziala, identifikazio fiskaleko zenbakia (edo NAN) eta eskatzailearen helbidea
- b) Geroratzea eskatzen den zorraren identifikazioa
- c) Eskatutako epeak
- d) Geroratzeko arrazoiak.

Eskaerari finantza egoerari buruzko dokumentuak eta eskaintzen den bermeari buruzko dokumentuak gehitu behar zaizkio, ezinbesteko baldintza bada. Eskatzaileari dokumentazioan dauden okerrak jakinaraziko zaizkio, eta horiek 10 eguneko epean zuzendu beharko ditu, bestela eskabidea ez da aurkeztutzat joko.

C) Emateko irizpideak: Ordaintzeko zorren geroratzeak eta zatikatzeak ondorengo era honetan emango dira:

- 600 euro baino gutxiagoko zorrak hiru hilabetez geroratu edo zatikatu ahal izango dira, gehienez. Ebazpena ematea Zerga Bilketa Saileko arduradunari dagokio.
- 2.000 euro baino gutxiagoko zorrak sei hilabetez geroratu edo zatikatu ahal izango dira, gehienez. Ebazpena ematea Zerga Bilketa Saileko arduradunari dagokio.
- 2.000 euro eta 6.000 euro bitarteko zorrak hamabi hilabete arte geroratu edo zatikatu ahal izango dira. Ebazpena ematea Zerga Bilketa Saileko arduradunari dagokio.
- 6.000 euro gorako zorrak hemezortzi hilabete arte geroratu edo zatikatu ahal izango dira. Ebazpena ematea Alkateari dagokio.



OROZKOKO UDALA

- 10.000 euro baino gehiagoko zorrak eta Udal Ikuskapenak instrukzioa egindako
- espedienteetatik eratorritakoak, Alkatetzaren ebazpen bidez emandako epean Zerga Bilketa Sailak proposaturik.

Salbuespenezko egoerei arreta emanez, Alkatetzaren ebazpen bidez aurretik finkatutako epeak luzatu ahal izango dira.

Irizpide orokor gisa, ez da 150 euro baino gutxiagoko zergak geroratzea onartuko, salbuespenezko egoeretan izan ezik.

D) Bermeak:

Eskatzaileak bermea eskainiko du kreditu erakundeen abal solidario modura, elkarrekiko berme baltzu bezala, edo, bestela, kauziazko aseguruaren ziurtagiria aurkeztu beharko du. Eskararekin batera, erakundeen berariazko konpromiso ezeztazina aurkeztuko da, atzerapena emanez gero abala legeztatuko dutela adieraziz.

Aipaturiko abala edo ziurtagiria lortzea ezinezkoa denean, edo horrekin enpresaren bideragarritasuna arrisku larrian jartzen bada, ondorengo berme hauetakoren bat onartu ahal izango da:

- Alde bakarreko ondasun higiezinaren hipoteka.
- Alde bakarreko ondasun higigarrien hipoteka.
- Alde bakarreko lekualdaketadun edo lekualdaketarik gabeko bahia.

Bermea emateko erabakiaren jakinarazpena jaso eta hurrengo 30 egun naturaletan legeztatu beharko da, eta eraginkortasuna horren prestazioari baldintzatuta egongo da. Bermeak onartzeko eskumena duen organoak epe hori luzatu ahal izango du, 90 egun naturaleko epera gehienez ere, interesdunek bermea epealdian formalizatzeko dituzten eragozpenak eskabide arrazoitu batean frogatuz gero.

Epe horietan bermea formalizatzen ez bada, emateko erabakia baliogabetu egingo da. Geroratze edo zatikatze eskaera borondatezko aldia amaitu aurretik egin bada, borondatezko aldiari ekingo zaio berriro. Eskaera, aldiz, borondatezko aldia amaitu ondoren egiten bada, premiamendu bideari ekingo zaio.

Arau orokor gisa, garantiak aurkezteko beharretik at geldituko da, borondatezko epean zein exekuziozko epean, atzeratu edo zatikatu nahi den zorraren zenbatekoak 3.000 euro gainditzen ez dituenean, baldin eta hau Udal Ikuskaritzak istrututako espedienteen ondorio ez badira.

9. artikulua. Zerga Bilketa betearazi beharreko aldian:

Aldi betearazlea automatikoki hasiko da borondatez ordaintzeko aldia amaitutakoan. Borondatezko aldia amaitu ondoren egindako edozein ordainketak, nahiz eta ordainketa borondatezko aldiko kontuetan egin, ez du suposatuko kreditua ordaintzerik; aldi betearazleko zorraren kontura egindako sarreratzat joko da. Ordainketa Udalak aldi betearazlerako zehaztutako konturen batean egingo balitz, diru kopurua berehala intsuldatuko da dagokion karguan zirkunstantzia zehaztuz.

Toki Ogasuneko 9/2005 Foru Arauaren 8. artikuluan ezarritakoa betez, udalaren eskubide publikoko sarrerak direla-eta udaletik kanpo zerga bilketa betearazlearen alorreko jarduketarik egin behar izanez gero, Udalak berak egingo ditu halakoak Bizkaiko Lurralde Historikoan.



OROZKOKO UDALA

Gainontzeko kasuetan ezarrita dauden edo aurrerantzean ezarriko diren lankidetzaren formulen arabera jokatu da, aplikatu beharreko legeriarekin bat etorriz.

10. artikulua. Kobraezin adierazpena eta kreditu kobraezinak:

Zerga Bilketa Zerbitzuak kobraezin adieraziko ditu, ordainketarako obligaziodunak izanik, administrazio prozeduren bitartez zorra kobratu ezin denean kaudimen gabeziagatik edo bizileku ezezaguna izateagatik; betiere zerbitzuak dauzkan datuen eta egindako jarduketaren arabera. Kobraezin oso edo partzial adierazteak, erantzukizun subsidiarioa dela eta erantzukizuna beste balizko zergapekoen aurka eramateko espedientea abiarazteko aukera irekiko du. Dena den, horrek ez du eragotziko Foru Ogasunak zordun kobraezinaren aurkako ekintza egokiak gauzatzea, zor hori kobratzeko administrazio ekintza iraungitzen ez den bitartean.

Zordun baten kobraezin adierazpenak, kredituak ezin kobratuzkoak aitortu badira ere, ez du eragotziko inola ere kreditu horien ordainketari aplikatzea, birgaitze egokiaren ondoren, eragozpen xede izan daitezkeen zenbatekoak, konpentsazioaren xede izan daitezkeenak, atzeman diren edo atzeman daitezkeen ondasunen besterentzean ondorioz eskuratzen direnak, edo beste edozein diru sarrera.

Premiamendu bidea inolako emaitzarik gabe amaitu ondoren, Zerga biltzaileak aginduko du ordaintzeko obligazioduna kobraezin adierazteko egiaztapenak hasteko. Zehaztu egingo da kobraezintasunaren arrazoia zein den; zordunaren bizilekua ez ezagutzea edo kaudimen gabezia.

a) Zordunaren bizilekua ezezaguna dela ziurtatzeko, gorde egingo dira zuzenean entregatu ezinezko jakinarazpenak. Horiekin batera gordeko dira jakinarazpenak bidaltzeko helbidea aurkitzeko egindako ikerketa jarduketak ere.

b) Kaudimen gabezia ondorengo irizpideei jarraituz egiaztatuko da, espedientean agertutako kopuruaren arabera:

- Pertsona fisikoak 300 euro arte: kontu korrante/aurrezki konturik eza edo horietan saldorik eza, soldata edo beste prestaziorik eza edo horiek bahitu ezina.
- Pertsona juridikoak 300 euro arte: kontu korrante/aurrezki konturik eza edo horietan saldorik eza.
- Pertsona fisikoak 300,01 euro eta 1.000 euro bitartean: kontu korrante/aurrezki konturik eza edo horietan saldorik eza, edo beste prestaziorik eza edo horiek bahitu ezina eta zerga izaera duten itzultze eskubidearen titulartasunik eza.
- Pertsona juridikoak 300,01 euro eta 1.000 euro bitartean: kontu korrante/aurrezki eza edo horietan saldorik eza eta zerga izaera duten itzultze eskubidearen titulartasunik eza.
- Pertsona fisikoak 1.000,01 euro eta 3.000 euro bitartean: kontu korrante/aurrezki konturik eza edo horietan saldorik eza, soldata edo beste prestaziorik eza edo horiek bahitu ezina, zerga izaerako edo bahigarriak diren ibilgailuen itzultze eskubideen titulartasunik eza.
- Pertsona juridikoak 1.000,01 euro-tik 3.000 euro arte: kontu korrante/aurrezki konturik eza edo horietan saldorik eza, zerga izaerako edo bahigarriak diren ibilgailuen itzultze eskubideen titulartasunik eza.
- Pertsona fisikoak 3.000,01 euro-tik aurrera: kontu korrante/aurrezki konturik eza edo horietan saldorik eza, soldata edo beste prestaziorik eza edo horiek bahitu ezina, zerga izaera edo bahigarriak diren ibilgailuen itzultze eskubideen titulartasunik eza; gainera, ondasun higigarri edo higiezinaren titulartasunari dagokion erregistroaren ziurtagiri negatiboa.
- Pertsona juridikoak 3.000,01 euro-tik aurrera: kontu korrante/aurrezki konturik eza edo horietan saldorik eza, zerga izaera edo bahigarriak diren ibilgailuen itzultze eskubideen



OROZKOKO UDALA

titulartasunik eza; gainera, ondasun higigarri edo higiezinaren titulartasunari dagokion erregistroaren ziurtagiri negatiboa.

Zerga Bilketa Sailak kobraezin adierazpena izapidetzean, zerga erantzuleak dauden ikertu ondoren, beste zergapekorik ez dagoela xedatzen badu, kreditua kobraezin adieraztea proposatuko du.

Aurreko izapide guztiak burutu ondoren, Udaleko Diruzainak meheko adierazteko proposamena egingo du. Proposamena onartu ondoren, baja emango zaio liburu eta matrikuletan eta zergadun kobraezinen fitxategia osatuko da. Fitxategi horretan mantenduko da lau urtetan zorraren inguruko informazioa, aurrerago burutuko liratekeen zerga egintzak direla eta zorduna, bere helbidea edo ondasunei buruzko informazioa agertuko balitz ere.

IV. IKUSKARITZA.

11. artikulua.

Zergen ikuskapena Bizkaiko Lurralde Historikoaren Zergen Foru Arau Orokorrean, hau da 2/2005 Foru Arauan; Bizkaiko Lurralde Historikoaren Ikuskapenaren inguruko Arautegia onesten duen ekainaren 21eko 99/2005 Foru Dekretuan, eta ondorengo aldarazpenetan ezarritakoarekin bat etorritik gauzatuko da.

V. ARAU HAUSTEAK ETA ISUNAK.

12. artikulua.

Zergen arau haustek Bizkaiko Lurralde Historikoaren Zergen Foru Arau Orokorrean, hau da 2/2005 Foru Arauan, eta ondorengo aldarazpenetan ezarritakoarekin bat etorritik kalifikatu eta arautuko dira.

Arau hausteei ezartzekoak zaizkien isunak Bizkaiko Lurralde Historikoaren Zergen Foru Arau Orokorrean, hau da 2/2005 Foru Arauan; zergen zehapen araubidea ezartzen duen ekainaren 21eko 100/2005 Foru Dekretuan, eta ondorengo aldarazpenetan ezarritakoarekin bat etorritik aplikatuko da.

VI. EGINTZEN BERRIKUSPENA ADMINISTRAZIO BIDEAN.

13. artikulua.

Administrazio bidean dauden zergen kontuetan emandako egintzen berrikuspena Zergen Foru Arau Orokorrean, hau da 2/2005 Foru Arauan; Toki Ogasuneko 9/2005 Foru Arauan, eta administrazio bidezko berrikuspen gaitan 2/2005 Foru Arauaren Garapen Erregelamenduan ezarritakoarekin bat etorritik egingo dira, egintza errekurrituen bete beharraren etendurari dagokionez izan ezik.

14. artikulua. Egintza errekurrituen bete beharraren etendura.

Berraztertze bidean edo bide ekonomiko eta administratiboan errekurritutako egintzaren betearazpena automatikoki etengo da interesatuak hala eskatzen duenean, baldin eta egintza horren zenbateko, etendurak sorrarazten dituen berandutza korrituak eta etenaldia eskatzeko



OROZKOKO UDALA

unean egon litezkeen errekarguak bermatzen badira. Korrituen bermatu beharreko zenbatekoa errekurtoaren gehiengo aldiari dagokiona izango da. Zergen Foru Arau Orokorraren 219. artikuluko 3. atalean xedatutakoaren arabera betearazpena automatikoki etengo da, inolako bermerik aurkeztu gabe, ondoko kasu hauetan: zerga zorra borondatez ordaintzeko aldian badago, premiamendu probidentziaren aurka errekurtoa jarri bada, aurreko bi kasuetan betiere borondatezko aldia amaitutakoan ordaintzeko dagoen zorraren zenbatekoa 3.000 euro edo gutxiagokoa bada, edo zerga zehapenaren aurkako errekurtoa jartzen bada.

Orozkon, 2012ko urtarrilaren 23an.-El Alcalde.